



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 4. Epistolæ Schismaticorum.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

tinopolim detulit. Necessaria erat hæc ^{Sæculum V.}
 industria, quod Nestoriani Constantino- ^{A. C. 431.}
 poli portus, & vias custodirent, ne
 quisquam a Concilio missus intrare, aut
 illud aditurus egredi posset.

§. IV.

Epistolæ Schismaticorum.

Schismatici sua ex parte ad Imperato- ^{Synod. Ba-}
 rem scripserunt, opera Joannis Comi- ^{luz. c. 17.}
 tis usi, sive is Constantinopolim rediit,
 sive litteras misit, fidei Nicænæ esse in-
 hærendum, sicut Cæsaris Epistola præscri-
 pserat. Captata occasione, dicunt duo-
 decim S. Cyrilli articulos sibi non proba-
 ri, & imaginarios errores indicant. E-
 pistolam Acacii Bereensis, ab Imperato-
 re missam, citant, & addunt: *Hæc ipse*
optime novit, annum vitæ centesimum
decimum agens, quam pro Evangelio pu-
gnans exegit, qui pluribus Conciliis inter-
fuit, semperque Apollinaristas sibi vicinos
habuit. Et quidem Berea in Syria sita
 erat æque ac Laodicea Apollinaris pa-
 tria. Tum Orientales memorant, Comi-
 tem Joannem nomine Imperatoris sibi
 præcepisse, ut edicerent, quid de Voce:
Mater Dei sentirent; suam igitur sen-
 tentiam dicunt, & Fidei confessionem
 ponunt, quæ Catholica est, & ea ipsa,
 quam post hæc S. Cyrillus recepit. ^{e. 18.} Si-
 mul ad Ecclesiam Antiochenam, id est, ad

Sæculum V.
A.C. 431.
Clericos, Monachos, & populum scripserunt, ut, quid Comes Joannes Ephesi egisset, edocerent, videlicet Cyrilli, & Memnonis damnationem Imperatori probatam, eosque arcte custodiri; eandem vero & Nestorii sortem esse, reticent. Hortantur Concionatores, ut contra creditum Cyrilli errorem perorent, & ceteros omnes, ut ab illis caveant, qui hæresin istam Antiochiæ diffeminare cuperent, sed tanquam seditiosos homines in Judicium manus tradant. Hæc Epistola a Joanne Antiocheno, & duodecim aliis Episcopis signata. Ad Acacium Bereensem quoque scripserunt, & similiter condemnationem, & detentionem Cyrilli, & Memnonis memorant, de Nestorio silent. Queruntur, adversarios suos undique Epistolas spargere, ut in Civitatibus, & Provinciis Seditiones commoveant.

c. 19.

§. V.

Litteræ S. Isidori Pelusiotæ.

Evagr. l. i. c. 15. Ephr. ap. Phot. c. 228. p. 777. Suid. Isidor. Isid. l. II. ep. 137. 228. Lib. I. epist. 310.
Epistolæ, quæ Ephesi contra S. Cyrillum scriptæ, afferebantur etiam S. Isidoro Pelusiotæ, illustrissimo illius ætatis Anachoretæ, fidem fecerunt. Is, quamvis natus esset Alexandria, reliquam vitam Pelusii egit. Sacerdos erat, & profundo Theologiæ studio vitæ Monasticæ rigorem jungebat. Plura opera, & inter hæc